

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-7855-1/12.
Zenica, 06, 11. i 12.04.2012. godine

Z A P I S N I K

**sa 59. sjednice Vlade Zeničko-dobojskog kantona
održane 06.04.2012. godine i nastavaka održanih 11. i 12.04.2012. godine**

Sjednica je održana u sali 109, prvi sprat u zgradi Kantona, dana 06.04.2012. godine sa početkom u 9⁰⁰ sati, a nastavci sjednice su održani 11.04.2012. godine sa početkom u 9⁰⁰ sati i 12.04.2012. godine sa početkom u 8¹⁰ sati.

Dijelu sjednice koji je održan dana 06.04.2012. godine je predsjedavao Fikret Plevljak, premijer Zeničko-dobojskog kantona.

Sjednici su prisustvovali članovi Vlade:

1. Jusuf Duraković, ministar Ministarstva za privredu,
2. Samir Selimović, ministar Ministarstva za poljoprivredu, šumarstvo i vodoprivredu,
3. Miroslav Penko, ministar Ministarstva za pravosuđe i upravu,
4. Amra Babić, ministrica Ministarstva finansija,
5. Rifat Delić, ministar Ministarstva unutrašnjih poslova, opravdano je odsutan a sjednici umjesto njega prisustvuje Aida Mujić, sekretar u ministarstvu,
6. Mirko Trifunović, ministar Ministarstva za rad, socijalnu politiku i izbjeglice,
7. Bernadeta Galijašević, ministrica Ministarstva za obrazovanje, nauku, kulturu i sport
8. Senka Balorda, ministrica Ministarstva zdravstva,
9. Raif Seferović, ministar Ministarstva za prostorno uređenje, promet i komunikacije i zaštitu okoliše,
10. Suad Omerašević, ministar Ministarstva za boračka pitanja, opravdano je odsutan

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Dženan Begović, šef Ureda premijera,
4. Jasna Ahmetpahić, portparol,
5. Azra Dedić, zapisničar.

U svojstvu izvijestilaca sjednici prisustvuju:

1. prof. dr. Damir Kukić, Univerzitet u Zenici,
2. prof.dr. Enes Kujundžić,
3. doc.dr. Esad Delibašić, Ministarstvo za obrazovanje, nauku, kulturu i sport.

Premijer Zeničko-dobojskog kantona stavio je na diskusiju predloženi dnevni red

DNEVNI RED:

1. Verifikacija Zapisnika sa:
 - 57. sjednice Vlade Zeničko-dobojskog kantona održane 15, 20. i 22.03.2012. godine,
 - 58. sjednice Vlade Zeničko-dobojskog kantona održane 22. i 29.03.2012. godine;
2. Prijedlog Zakona o izmjenama i dopuni Zakona o predškolskom odgoju i obrazovanju („Službene novine Zeničko-dobojskog kantona“, broj 7/10), sa Prijedlogom Zaključka o utvrđivanju;
3. Prijedlog Odluke o usvajanju Elaborata o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici, sa Prijedlogom Zaključka o utvrđivanju (*napomena*: zbog ekonomičnosti, Elaborat dostavljen putem e-maila);
4. Prijedlog Odluke o promjeni naziva, proširenju matičnosti i proširenju djelatnosti Pedagoškog fakulteta Univerziteta u Zenici, sa Prijedlogom Zaključka o utvrđivanju;
5. Informacija o stanju zaštite okoline na području Zeničko-dobojskog kantona, sa Prijedlogom Zaključka o usvajanju;
6. Prijedlog Zaključka o davanju saglasnosti na opravdanost realizacije projekta, koju je dala Studija o ekonomskoj opravdanosti dodjele koncesije za istraživanje i eksploataciju mineralnog resursa tehničko-ukrasnog kamena krečnjaka, na lokalitetu Dobrun-Dugandžići K.O. Olovske Luke, općina Olovo;
7. Prijedlog Odluke o dodjeli koncesije privrednom društvu „Marmex“ d.o.o. Sarajevo za istraživanje i eksploataciju mineralnog resursa tehničko-ukrasnog kamena krečnjaka, na lokalitetu Dobrun-Dugandžići K.O. Olovske Luke, općina Olovo;
8. Prijedlog Rješenja o imenovanju direktora Agencije za privatizaciju Zeničko-dobojskog kantona;
9. Prijedlog Zaključka o utvrđivanju upražnjenih pozicija dva člana Nadzornog odbora i Odbora za reviziju u privrednom društvu „Natron“ d.d. Maglaj, reguliranom tijelu u nadležnosti Vlade Zeničko-dobojskog kantona;
10. Prijedlog Zaključka o odobravanju sredstava Udruženju privrednika Biznis centar Jalah-Tešanj na ime sufinansiranja 8. sajma privrede „Biznis 2012 Tešanj“;
11. Prijedlog Zaključka o izjašnjenju Vlade Zeničko-dobojskog kantona u vezi Inicijative Medžlisa Islamske zajednice Tešanj za donošenje Zakona o dopuni Zakona o sudskim taksama („Službene novine Zeničko-dobojskog kantona“, broj: 12/09, 4/11 i 7/11);
12. Prijedlog Zaključka o odobravanju sredstava Udruženju gluhih i nagluhih Zeničko-dobojskog kantona na ime pomoći za obilježavanje 15. godišnjice postojanja Udruženja;
13. Prijedlog Zaključka o odobravanju sredstava za 10 lica sa područja Zeničko-dobojskog kantona kao pomoć socijalno intervenirajućeg karaktera za lica u stanju socijalne potrebe;
14. Izvještaj o utrošku budžetskih sredstava za Ministarstvo zdravstva za 2011. godinu, pozicija „Transfer neprofitnim organizacijama“, sa Prijedlogom Zaključka o usvajanju;
15. Program provođenja:
 - proljetne obavezne preventivne sistematske deratizacije na području Zeničko-dobojskog kantona za 2012. godinu,
 - jesenje faze obavezne preventivne sistematske deratizacije na području Zeničko-dobojskog kantona za 2012. godinu, sa Prijedlogom Zaključka o usvajanju;
16. Informacija o stambenom zbrinjavanju branilaca i članova njihovih porodica u 2011. godini, sa Prijedlogom Zaključka o usvajanju;

17. Prijedlog Zaključka o odobravanju sredstava Jelić Zoranu, demobilisanom braniocu iz Ustore na ime sufinansiranja troškova za liječenje u Zagrebu, R. Hrvatska;
18. Prijedlog Zaključka o odobravanju sredstava Udrugi nositelja ratnih odličja HVO iz Žepča na ime sufinansiranja obilježavanja 20. godišnjice osnivanja HVO;
19. Prijedlog Odluke o izmjeni Odluke o određivanju izdavača i regulisanju ostalih pitanja vezanih za izlaženje „Službenih novina Zeničko-dobojskog kantona“ („Službene novine Zeničko-dobojskog kantona“, broj: 1/96, 12/00, 10/02 i 10/07);
20. Izvještaj o radu Kantonalnog tužilaštva/tužiteljstva Zeničko-dobojskog kantona za 2011. godinu, sa Prijedlogom Zaključka o primanju na znanje;
21. Izvještaj o radu Kantonalnog suda u Zenici u 2011. godini, sa Prijedlogom Zaključka o primanju na znanje;
22. Izvještaj o radu Kantonalnog pravobranilaštva Zenica za 2011. godinu, sa prijedlogom Zaključka o primanju na znanje;
23. Izvještaj o radu Kantonalnog zavoda za pravnu pomoć u Zenici za period od 01.01.2011. do 31.12.2011. godine, sa Prijedlogom Zaključka o prihvatanju;
24. Izvještaj o radu Kantonalne uprave za inspekcijske poslove za period januar-decembar 2011. godine (dorađeni), sa Prijedlogom Zaključka o primanju na znanje;
25. Izvještaj o izvršenju Finansijskog plana JU Služba za zapošljavanje Zeničko-dobojskog kantona za 2011. godinu (prilog: Mišljenje ovlaštenog revizora o izvršenoj reviziji finansijskih izvještaja za 2011. godinu), sa prijedlogom Zaključka o primanju na znanje;
26. Izvještaj o radu Nadzornog odbora Agencije za privatizaciju Zeničko-dobojskog kantona za 2011. godinu, sa prijedlogom Zaključka o primanju na znanje;
27. Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2011. godinu, sa prijedlogom Zaključka o utvrđivanju;
28. Program rada Agencije za privatizaciju Zeničko-dobojskog kantona za 2012. godinu, sa prijedlogom Zaključka o davanju saglasnosti;
29. Prijedlog Rješenja o ocjeni rada rukovodilaca stručnih službi Vlade, samostalnih kantonalnih uprava, rukovodioca samostalnih kantonalnih ustanova i drugih rukovodećih državnih službenika koje postavlja Vlada Zeničko-dobojskog kantona, za 2011. godinu;
30. Prijedlog Zaključka o privremenom ustupanju tri vatrogasna vozila za tehničke intervencije na cestama, općinama Kakanj, Maglaj i Zenica;
31. Upoznavanje članova Vlade sa aktom:
 - Saveza samostalnih sindikata Bosne i Hercegovine, Kantonalni odbor Zeničko-dobojskog kantona od 22.03.2012. godine;
 - Kantonalne direkcije robnih rezervi broj: 17-17-4560-8/12 od 19.03.2012. godine;
 - Kantonalnog tužilaštva Zeničko-dobojskog kantona broj: T04 0 KTA 0008485 12 od 19.03.2012. godine;
 - Službe za zajedničke poslove broj: 14-14-34-29570/09 od 20.03.2012. godine;
 - Biznis servis centra broj: 19-14-5241-140/07 od 13.02.2012. godine i 19-14-5241-141-1/12 od 20.03.2012. godine;
 - UTTD „21. decembar“ d.o.o. Zenica, u stečaju, od 22.03.2012. godine;
 - Agencije za privatizaciju Zeničko-dobojskog kantona od 21.03.2012. godine;
 - generalnog direktora „rmk promet“ d.d. Zenica broj: 28 00 00 od 28.03.2012. godine, broj: 28 00 00 od 02.03.2012. godine i uprave „rmk promet“ d.d. Zenica broj: 28 00 00 od 05.03.2012. godine;
 - Sindikalne podružnice „rmk promet“ d.d. Zenica od 23.03.2012. godine sa Informacijom o privrednom društvu „rmk promet“ d.d. Zenica od 26.03.2012. godine.

Članovi Vlade jednoglasno su usvojili predloženi dnevni red.

Prva tačka dnevnog reda

Vlada je jednoglasno verificovala Zapisnik sa 57. sjednice Vlade Zeničko-dobojskog kantona održane 15, 20. i 22.03.2012. godine i 58. sjednice Vlade Zeničko-dobojskog kantona održane 22. i 29.03.2012. godine.

Druga tačka dnevnog reda

Obrazloženje za ovu tačku dnevnog reda dala je Bernadeta Galijašević, ministrica Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se utvrđuje Prijedlog Zakona o izmjenama i dopuni Zakona o predškolskom odgoju i obrazovanju i upućuje u dalju skupštinsku proceduru po hitnom postupku.

Treća i četvrta tačka dnevnog reda

Obrazloženje za ove tačke dnevnog reda dala je Bernadeta Galijašević, ministrica Ministarstva za obrazovanje, nauku, kulturu i sport.

U svojstvu izjavitelaca sjednici prisustvuju: prof. dr. Damir Kukić, prof.dr. Enes Kujundžić i doc.dr. Esad Delibašić.

Prezentaciju i pojašnjenje aplikacije Elaborata o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici, dao je prof. dr. Damir Kukić.

Pojašnjenje u vezi opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici, dali su prof.dr. Enes Kujundžić i doc.dr. Esad Delibašić.

U diskusiji su učestovali: Premijer Zeničko-dobojskog kantona, Ministar Ministarstva za privredu, Ministrica Ministarstva zdravstva, Ministar Ministarstva za prostorno uređenje, saobraćaj i komunikacije i zaštitu okoline, Ministrica Ministarstva za obrazovanje, nauku, kulturu i sport, Ministar Ministarstva za rad, socijalnu politiku i izbjeglice, Ministrica Ministarstva finansija, prof. dr. Damir Kukić, prof.dr. Enes Kujundžić i doc.dr. Esad Delibašić.

3) Vlada je jednoglasno donijela Zaključak kojim se utvrđuje Prijedlog Odluke o usvajanju Elaborata o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici i upućuje u dalju skupštinsku proceduru.

Vlada je donijela i Zaključak kojim kompletnu akademsku, tehnološku i svaku drugu odgovornost za realnost Elaborata o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici, preuzima Pedagoški fakultet Univerziteta u Zenici kao predlagач.

Davanjem saglasnosti na Elaborat o opravdanosti promjene naziva, proširenja matičnosti i proširenja djelatnosti Pedagoškog fakulteta Univerziteta u Zenici, Vlada Zeničko-dobojskog kantona ne preuzima dodatne finansijske obaveze na budžet.

4) Vlada je jednoglasno donijela Zaključak kojim se utvrđuje Prijedlog Odluke o promjeni naziva, proširenju matičnosti i proširenju djelatnosti Pedagoškog fakulteta Univerziteta u Zenici i upućuje u dalju skupštinsku proceduru.

Radi obaveza članova Vlade Zeničko-dobojskog kantona sjednica je prekinuta u 10⁵⁰ sati.

Nastavak sjednice održan je 11.04.2011. godine u 9⁰⁰ sati.

Sjednicom predsjedava Mirko Trifunović, ministar Ministarstva za rad, socijalnu politiku i izbjeglice.

Sjednici ne prisustvuju:

1. Rifat Delić, ministar Ministarstva unutrašnjih poslova, opravdano nije prisustvovao prvom dijelu nastavka sjednice,
2. Raif Seferović, ministar Ministarstva za prostorno uređenje, promet i komunikacije i zaštitu okoliša, opravdano je odsutan a sjednici umjesto njega prisustvuje Sead Ćizmić, pomoćnik ministra,

kao i:

1. Dženan Begović, šef Ureda premijera.

U svojstvu izvjestioca sjednici prisustvuju:

1. Vesna Kaknjo, glavni tužilac Kantonalnog tužilaštva/tužiteljstva Zeničko-dobojskog kantona
2. Zijada Alihodžić, predsjednica Kantonalnog suda u Zenici
3. Zlata Marjanović, kantonalni pravobranilac Kantonalnog pravobranilaštva Zenica.

Peta tačka dnevnog reda

Obrazloženje za ovu tačku dnevnog reda dao je Sead Ćizmić, pomoćnik ministar Ministarstva za prostorno uređenje, promet i komunikacije i zaštitu okoliša.

U diskusiji su učestvovali: Ministar Ministarstva za rad, socijalnu politiku i izbjeglice i Ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se usvaja Informacija o stanju životne sredine za području Zeničko-dobojskog kantona (nastavak izjašnjavanja) i upućuje u dalju skupštinsku proceduru.

Šesta tačka dnevnog reda

Obrazloženje za ovu tačku dnevnog reda dao je Jusuf Duraković, ministar Ministarstva za privredu.

Vlada je jednoglasno donijela Zaključak kojim se daje saglasnost na opravdanost realizacije projekta, koju je dala Studija o ekonomskoj opravdanosti dodjele koncesije za istraživanje i eksploataciju mineralnog resursa tehničko-ukrasnog kamena krečnjaka, na lokalitetu Dobrun-Dugandžići K.O. Olovske Luke, općina Olovo.

Sedma tačka dnevnog reda

Obrazloženje za ovu tačku dnevnog reda dao je Jusuf Duraković, ministar Ministarstva za privredu.

Vlada je jednoglasno donijela Odluku kojom se privrednom društvu „Marmex“ d.o.o. Sarajevo (u daljem tekstu Koncesionar) dodjeljuje koncesija za istraživanje i eksploataciju mineralnog resursa tehničko-ukrasnog kamena krečnjaka, na lokalitetu Dobrun-Dugandžići K.O. Olovske Luke, općina Olovo.

(1) Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

TAČKA	KOORDINATA Y	KOORDINATA X
A	6 552 923,846	4 884 569,225
B	6 553 048,196	4 884 540,234
C	6 553 051,099	4 884 441,333
D	6 553 004,819	4 884 374,820
E	6 552 921,549	4 884 358,888
F	6 552 842,874	4 884 410,679
G	6 552 871,459	4 884 449,560
H	6 552 911,682	4 884 549,752
A	6 552 923,846	4 884 569,225

(2) Ukupan prostor, koji je predviđen za istraživanje i eksploataciju, zauzima k.č. 1690, K.O. Olovske Luke -30, Gurdići-10, Dugandžići-12 općina Olovo, ima ukupnu površinu od 2,99 ha.

Zadužuje se Ministarstvo za privredu da u skladu sa ovom Odlukom i odredbama Zakona o koncesijama potpiše Ugovor o dodjeli koncesije za istraživanje i eksploataciju mineralnog resursa tehničko-ukrasnog krečnjaka na ležištu Dobrun-Dugandžići, u općini Olovo u roku od 60 dana od dana stupanja na snagu ove odluke.

Osma tačka dnevnog reda

Obrazloženje za ovu tačku dnevnog reda dao je Jusuf Duraković, ministar Ministarstva za privredu.

U diskusiji su učestvovali: Ministrica Ministarstva finansija, Ministar Ministarstva za privredu, Ministrica Ministarstva za obrazovanje, nauku, kulturu i sport, Ministar Ministarstva za pravosuđe i upravu, Sekretar Vlade, Ministar Ministarstva za rad, socijalnu politiku i izbjeglice, Ministrica Ministarstva zdravstva, Ministar Ministarstva za boračka pitanja i Sekretar Sekretarijata za zakonodavstvo.

Vlada je jednoglasno donijela Rješenje kojim se Nurudin Smajlagić, diplomirani ekonomista, imenuje za direktora Agencije za privatizaciju Zeničko-dobojskog kantona na period od četiri godine, od dana imenovanja.

Rješenje stupa na snagu danom donošenja i objavit će se u “Službenim novinama Zeničko-dobojskog kantona” i “Službenim novinama Federacije Bosne i Hercegovine”.

Vlada je donijela i Zaključak kojim se obavezuju direktor i Upravni odbor Agencije za privatizaciju Zeničko-dobojskog kantona da u roku od 15 dana regulišu radno-pravni status Mufidi Džindo, kojoj je istekao mandata direktorice Agencije za privatizaciju Zeničko-dobojskog kantona, angažovanjem u Agenciji u skladu sa Pravilnikom o unutrašnjoj organizaciji i sistematizaciji radnim mjestima.

Deveta tačka dnevnog reda

Obrazloženje za ovu tačku dnevnog reda dao je Jusuf Duraković, ministar Ministarstva za privredu.

Vlada je jednoglasno donijela Zaključak kojim Vlada Zeničko-dobojskog kantona utvrđuje upražnjene pozicije dva člana Nadzornog odbora i dva člana Odbora za reviziju u privrednom društvu "Natron" d.d. Maglaj, reguliranom tijelu koje je u nadležnosti Vlade Zeničko-dobojskog kantona kao "odgovornog javnog službenika".

Utvrđuje se potreba raspisivanja Oglasa za upražnjene pozicije, navedene u ovom zaključku.

Oglas iz ovog zaključka bit će objavljen u "Službenim novinama Federacije Bosne i Hercegovine" i dnevnim novinama.

Za raspisivanje i objavljivanje Oglasa zadužuju se Ministarstvo za privredu i Služba za zajedničke poslove, svako u okviru svoje nadležnosti.

10. tačka dnevnog reda

Obrazloženje za ovu tačku dnevnog reda dao je Jusuf Duraković, ministar Ministarstva za privredu.

U diskusiji su učestvovali: Ministrica Ministarstva finansija, Sekretar Vlade, Ministar Ministarstva za boračka pitanja i Ministar Ministarstva za privredu.

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Udruženju privrednika Biznis centar Jelah-Tešanj na ime sufinansiranja 8. sajma privrede „Biznis 2012 Tešanj“.

11. tačka dnevnog reda

Obrazloženje za ovu tačku dnevnog reda dao je Miroslav Penko, ministar Ministarstva za pravosuđe i upravu.

Vlada je jednoglasno donijela Zaključak kojim se ne prihvata Inicijativa Medžlisa Islamske zajednice Tešanj za donošenje Zakona o dopuni Zakona o sudskim taksama („Službene novine Zeničko-dobojskog kantona“, broj: 12/09, 4/11 i 7/11) koja se odnosi na „DIO DRUGI – OSLOBAĐANJE OD PLAĆANJA TAKSE“, tako da se:

„U članu 11. stav (1), iza tačke g) dodaje nova tačka h) koja glasi: „vjerske zajednice“.

Izjašnjenje Vlade o Inicijativi iz ovog zaključka, sa Mišljenjem Ministarstva za pravosuđe i upravu, broj: 06/03-02-1943-2/12 od 23.02.2012. godine upućuje se u dalju skupštinsku proceduru.

12. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Udruženju gluhih i nagluhih Zeničko-dobojskog kantona na ime pomoći za obilježavanje 15. godišnjice postojanja Udruženja.

13. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava za 10 lica sa područja Zeničko-dobojskog kantona kao pomoć socijalno intervenirajućeg karaktera za lica u stanju socijalne potrebe.

14. tačka dnevnog reda

Obrazloženje za ovu tačku dnevnog reda dala je Senka Balorda, ministrica Ministarstva zdravstva.

U diskusiji je učestvovao Ministar Ministarstva za pravosuđe i upravu.

Vlada je jednoglasno donijela Zaključak kojim se usvaja Izvještaj o utrošku budžetskih sredstava za 2011. godinu planiranih u Budžetu Zeničko-dobojskog kantona za 2011. godinu («Službene novine Zeničko-dobojskog kantona», broj: 4/11 i 17/11) na razdjelu 21, budžetska organizacija 01, potrošačka jedinica 0001-Ministarstvo zdravstva, ekonomski kod 614300, pozicija «Transfer neprofitnim organizacijama», koji čini sastavni dio ovog zaključka.

Izvještaj iz ovog zaključka, zajedno sa izvještajima ostalih ministarstava o namjenskom utrošku sredstava sa transfera iz njihove nadležnosti, uputit će se u skupštinsku proceduru radi informisanja.

15. tačka dnevnog reda

Obrazloženje u vezi ove tačke dnevnog reda dala je Senka Balorda, ministrica Ministarstva zdravstva.

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o usvajanju Programa provođenja proljetne faze obavezne preventivne sistematske deratizacije na području Zeničko-dobojskog kantona 2012. godine i Programa provođenja jesenje faze obavezne preventivne sistematske deratizacije na području Zeničko-dobojskog kantona 2012. godine.

16. tačka dnevnog reda

Obrazloženje za ovu tačku dnevnog reda dao je Suad Omerašević, ministar Ministarstva za boračka pitanja.

Vlada je jednoglasno donijela Zaključak kojim se prihvata Informacija o stambenom zbrinjavanju branilaca i članova njihovih porodica u 2011. godini, Ministarstva za boračka pitanja kao obrađivača.

Informacija o stambenom zbrinjavanju branilaca i članova njihovih porodica u 2011. godini, nalazi se u prilogu i čini sastavni dio ovog zaključka.

Članovi Vlade su imali pauzu u radu u periodu od 10³⁵-11⁰⁰ sati.

17. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda - Prijedlog Zaključka o odobravanju sredstava Jelić Zoranu, demobilisanom braniocu iz Usore, na ime sufinasiranja troškova za liječenje u Zagrebu, R. Hrvatska.

18. tačka dnevnog reda

Vlada je jednoglasno donijela Zaključak kojim se povlači sa rasprave tačka dnevnog reda: - Prijedlog Zaključka o odobravanju sredstava Udrugi nositelja ratnih odličja HVO iz Žepča na ime sufinasiranja obilježavanja 20. godišnjice osnivanja HVO.

19. tačka dnevnog reda

Obrazloženje za ovu tačku dnevnog reda dao je Mirsad Kadić, sekretar Sekretarijata za zakonodavstvo.

U diskusiji su učestvovali: Sekretar Vlade, Sekretar Sekretarijata za zakonodavstvo i Ministrica Ministarstva finansija.

Vlada je jednoglasno donijela Odluku kojom se u Odluci o određivanju izdavača i regulisanju ostalih pitanja vezanih za izlaženje «Službenih novina Zeničko-dobojskog kantona» («Službene novine Zeničko-dobojskog kantona» broj: 1/96, 12/00, 10/02 i 10/07), tačka II. mijenja i glasi:

„Za glavnog i odgovornog urednika «Službenih novina Zeničko-dobojskog kantona» postavlja se Mirsad Kadić, sekretar Sekretarijata za zakonodavstvo Vlade Zeničko-dobojskog kantona“.

20. tačka dnevnog reda

Obrazloženje za ovu tačku dnevnog reda dala je Vesna Kaknjo, glavni tužilac Kantonalnog tužilaštva/tužiteljstva Zeničko-dobojskog kantona.

U diskusiji su učestovali: Ministar Ministarstva za pravosuđe i upravu, Sekretar Sekretarijata za zakonodavstvo i Glavni tužilac Kantonalnog tužilaštva/tužiteljstva.

Vlada je jednoglasno donijela Zaključak kojim se prima na znanje Izvještaj o radu Kantonalnog tužilaštva/tužiteljstva Zeničko-dobojskog kantona za 2011. godinu i upućuje u dalju skupštinsku proceduru.

21. tačka dnevnog reda

Obrazloženje za ovu tačku dnevnog reda dala je Zijada Alihodžić, predsjednica Kantonalnog suda u Zenici

U diskusiji je učestvovao Ministar Ministarstva za pravosuđe i upravu.

Vlada je jednoglasno donijela Zaključak kojim se prima na znanje Izvještaj o radu Kantonalnog suda u Zenici u 2011. godini i upućuje u dalju skupštinsku proceduru.

22. tačka dnevnog reda

Obrazloženje za ovu tačku dnevnog reda dala je Zlata Marjanović, kantonalni pravobranilac Kantonalnog pravobranilaštva Zenica.

U diskusiji su učestovali: Ministrica Ministarstva za obrazovanje, nauku, kulturu i sport, Ministar Ministarstva za privredu, Sekretar Vlade, Kantonalni pravobranilac Kantonalnog pravobranilaštva Zenica i Ministar Ministarstva za pravosuđe i upravu.

Vlada je jednoglasno donijela Zaključak kojim se prima na znanje Izvještaj o radu Kantonalnog pravobranilaštva Zenica u 2011. godini i upućuje u dalju skupštinsku proceduru.

Radi obaveza članova Vlade sjednica je prekinuta u 12²⁰ sati.

Nastavak sjednice održan je 12.04.2012. godine u 8¹⁰ sati.

Sjednicom predsjedava Fikret Plevljak za vrijeme rasprave pod tačkom 23, a za ostale tačke dnevnog reda sjednicom predsjedava Mirko Trifunović, ministar Ministarstva za rad, socijalnu politiku i izbjeglice.

U svojstvu izvjestioca sjednici prisustvuje:

1. Azra Močević, direktorica Kantonalnog zavoda za pravnu pomoć u Zenici.

23. tačka dnevnog reda

Obrazloženje za ovu tačku dnevnog reda dala je Azra Močević, direktorica Kantonalnog zavoda za pravnu pomoć u Zenici.

U diskusiji je učestvovao Penko Miroslav, ministar Ministarstva za pravosuđe i upravu.

Vlada je jednoglasno donijela Zaključak kojim se prima na znanje Izvještaj o radu Kantonalnog zavoda za pravnu pomoć u Zenici za period od 01.01.2011. do 31.12.2011. godine i upućuje u dalju skupštinsku proceduru.

29. tačka dnevnog reda

Obrazloženje za ovu tačku dnevnog reda dao je Mirko Trifunović, predsjednik Komisije za predlaganje ocjene rada rukovodećih državnih službenika koje postavlja Vlada Zeničko-dobojskog kantona

U diskusiji su učestvovali: Ministar Ministarstva za boračka pitanja, Ministrica Ministarstva za obrazovanje, nauku, kulturu i sport, Ministar Ministarstva za prostorno uređenje, promet i komunikacije i zaštitu okoliša, Ministar Ministarstva unutrašnjih poslova, Ministrica Ministarstva zdravstva, Ministar Ministarstva za privredu, Ministar Ministarstva za pravosuđe i upravu i Ministar Ministarstva za poljoprivredu, šumarstvo i vodoprivredu.

Vlada je jednoglasno donijela slijedeća rješenja:

29a) Rješenje kojim se Mustafa Uzunović, po ovlaštenju „Direktor Službe za zajedničke poslove“, za rad i postignute rezultate u radu u periodu od 01.01.-31.12.2011. godine, ocjenjuje ocjenom „Izuzetno uspješan“,

sa obrazloženjem da je dana 02.03.2012. godine, Komisija nakon obavljenog razgovora sa imenovanim i uvida u raspoloživu dokumentaciju (Uredbu o Službi za zajedničke poslove, Pravilnik o sistematizaciji i Izvještaj o radu Službe za zajedničke poslove za 2011. godinu, direktora po ovlaštenju, ocjene državnih službenika i namještenika i evidenciju dolazaka na posao u zaposlenih u Službi za zajedničke poslove), izvršila ocjenu rada po kriterijima kvalitete i efikasnosti rada u odnosu na stepen ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Službe za zajedničke poslove, koji je imenovani podnio, utvrđena je ocjena kako je navedeno u dispozitivu rješenja u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

29b) Rješenje kojim se rukovodeći državni službenik Sead Džanović, postavljen na radno mjesto „Direktor Kantonalne uprave civilne zaštite Zeničko-dobojskog kantona“, za rad i postignute rezultate u radu u periodu od 01.01.-31.12.2011. godine, ocjenjuje ocjenom „Uspješan“,

sa obrazloženjem da je dana 02.03.2012. godine, Komisija nakon obavljenog razgovora sa imenovanim i uvida u raspoloživu dokumentaciju (Zakon o kantonalnim ministarstvima i drugim tijelima kantonalne uprave, Pravilnik o sistematizaciji, Izvještaj o radu za 2011. godinu Kantonalne uprave civilne zaštite Zeničko-dobojskog kantona), izvršila ocjenu rada po kriterijima kvaliteta i efikasnosti u radu u odnosu na stepen i način ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Kantonalne uprave civilne zaštite Zeničko-dobojskog kantona, koji je imenovani podnio, utvrđena je ocjena kako je navedeno u dispozitivu rješenja u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

29c) Rješenje kojim se rukovodeća državna službenica Mirsada Silajdžić, postavljena na radno mjesto „Direktor Kantonalne uprave za inspekcijske poslove Zeničko-dobojskog kantona“, za rad i postignute rezultate u radu u periodu od 01.01.-31.12.2011. godine, ocjenjuje ocjenom «Uspješan»,

sa obrazloženjem da je dana 02.03.2012. godine, Komisija nakon obavljenog razgovora sa imenovanom i uvida u raspoloživu dokumentaciju (Zakon o kantonalnim ministarstvima i drugim tijelima kantonalne uprave, Pravilnik o sistematizaciji, Izvještaj o radu za 2011. godinu Kantonalne uprave za inspekcijske poslove), izvršila ocjenu rada po kriterijima kvalitete i efikasnosti u radu u odnosu na stepen i način ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Kantonalne uprave za inspekcijske poslove, koji je imenovana podnijela, utvrđena je ocjena kako je navedeno u dispozitivu rješenja u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

29d) Rješenje kojim se rukovodeći državni službenik Mirsad Kadić, postavljen na radno mjesto „Sekretar Sekretarijata za zakonodavstvo“, za rad i postignute rezultate u radu u periodu od 01.01.-31.12.2011. godine, ocjenjuje ocjenom „Izuzetno uspješan“,

sa obrazloženjem da je dana 02.03.2012. godine, Komisija nakon obavljenog razgovora sa imenovanom i uvida u raspoloživu dokumentaciju (Zakon o kantonalnim ministarstvima i drugim tijelima kantonalne uprave, Pravilnik o sistematizaciji, Izvještaj o radu za 2011. godinu), izvršila ocjenu rada po kriterijima kvalitete i efikasnosti u radu u odnosu na stepen i način ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Sekretarijata za zakonodavstvo, koji je imenovani podnio, utvrđena je ocjena kako je navedeno u dispozitivu rješenja, a u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

29e) Rješenje kojim se rukovodeći državni službenik Đenana Čolaković, postavljena na radno mjesto „Sekretar Biznis servis centra Zeničko-dobojskog kantona“, za rad i postignute rezultate u radu u periodu od 01.01.-31.12.2011. godine, ocjenjuje se ocjenom «Uspješan»,

sa obrazloženjem da je dana 02.03.2012. godine, Komisija nakon obavljenog razgovora sa imenovanom i uvida u raspoloživu dokumentaciju (Zakon o kantonalnim ministarstvima i drugim tijelima kantonalne uprave, Pravilnik o sistematizaciji, Izvještaj o radu za 2011. godinu Biznis

servis centra Zeničko-dobojskog kantona), izvršila ocjenu rada po kriterijima kvalitete i efikasnosti u radu u odnosu na stepen i način ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Biznis servis centra Zeničko-dobojskog kantona, koji je imenovana podnijela, utvrđena je ocjena kako je navedeno u dispozitivu rješenja u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

29f) Rješenje kojim se rukovodeći državni službenik Berjana Ačkar, postavljena na radno mjesto „Sekretar Vlade Zeničko-dobojskog kantona“, za rad i postignute rezultate u radu u periodu 01.01.-31.12.2011. godine, ocjenjuje ocjenom „Izuzetno uspješan“,

sa obrazloženjem da je dana 02.03.2012. godine, Komisija nakon obavljenog razgovora sa imenovanom i uvida u raspoloživu dokumentaciju (Zakon o kantonalnim ministarstvima i drugim tijelima kantonalne uprave, Pravilnik o sistematizaciji, Izvještaj o radu za 2011. godinu Sekretara Vlade), izvršila ocjenu rada po kriterijima kvalitete i efikasnosti u radu u odnosu na stepen i način ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Sekretara Vlade Zeničko-dobojskog kantona, koji je imenovana podnijela, utvrđena je ocjena kako je navedeno u dispozitivu rješenja u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

29g) Rješenje kojim se rukovodeća državna službenica Azra Moćević, postavljena na radno mjesto „Direktorica Kantonalnog zavoda za pravnu pomoć“, za rad i postignute rezultate u radu u periodu od 01.01.-31.12.2011. godine, ocjenjuje ocjenom „Uspješan“,

sa obrazloženjem da je dana 02.03.2012. godine, Komisija nakon obavljenog razgovora sa imenovanom i uvida u raspoloživu dokumentaciju (Zakon o kantonalnim ministarstvima i drugim tijelima kantonalne uprave, Pravilnik o sistematizaciji, Izvještaj o radu Kantonalnog zavoda za pravnu pomoć za 2011. godinu), izvršila ocjenu rada po kriterijima kvalitete i efikasnosti u radu u odnosu na stepen i način ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Kantonalnog zavoda za pravnu pomoć, koji je imenovana podnijela, utvrđena je ocjena kako je navedeno u dispozitivu rješenja, a u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

29h) Rješenje kojim se rukovodeći državni službenik Sumbuljević Aida, postavljena na radno mjesto „Direktorica Kantonalnog zavoda za urbanizam i prostorno uređenje“, za rad i postignute rezultate u radu u periodu od 01.01.-31.12.2011. godine, ocjenjuje se ocjenom «Uspješan»,

sa obrazloženjem da je dana 02.03.2012. godine, Komisija nakon obavljenog razgovora sa imenovanom i uvida u raspoloživu dokumentaciju (Zakon o kantonalnim ministarstvima i drugim tijelima kantonalne uprave, Pravilnik o sistematizaciji, Izvještaj o radu za 2011. godinu Kantonalnog zavoda za urbanizam i prostorno uređenje), izvršila ocjenu rada po kriterijima kvalitete i efikasnosti u radu u odnosu na stepen i način ispunjenja dogovorenih profesionalnih ciljeva.

Imajući u vidu ostvarene rezultate koje je utvrdila komisija uvidom u Izvještaj o radu za 2011. godinu Kantonalnog zavoda za urbanizam i prostorno uređenje, koji je imenovana podnijela, utvrđena je ocjena kako je navedeno u dispozitivu rješenja, u skladu sa Pravilnikom o ocjenjivanju rada državnih službenika u organima državne službe u Federaciji Bosne i Hercegovine,

sa pravnom poukom da se protiv ovog rješenja može izjaviti žalba Odboru državne službe za žalbe Federacije BiH u roku od 15 dana od dana prijema rješenja.

30. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za rad, socijalnu politiku i izbjeglice.

U diskusiji je učestvovala Sekretar Vlade.

Vlada je jednoglasno donijela Zaključak kojim se ustupaju na privremeno korištenje tri terenska vatrogasna vozila za tehničke intervencije na cestama sa pripadajućom opremom za potrebe profesionalnih vatrogasnih jedinica općinskih službi civilne zaštite općina Kakanj, Maglaj i Zenica.

Terenska vatrogasna vozila za tehničke intervencije na cestama (magistralni put M-17) iz tačke 1. ovog zaključka, predat će se na rok korištenja od 20 mjeseci, registrovana i u ispravnom stanju, ugovorom između Kantonalne uprave civilne zaštite i općina Kakanj, Maglaj i Zenica.

Za realizaciji ovog zaključka zadužuje se Kantonalna uprava civilne zaštite.

31. tačka dnevnog reda

Članovi Vlade su dostavom materijala u prilogu, informisani u vezi sa ovom tačkom dnevnog reda.

Uvodno obrazloženje za tačke 24-28 dnevnog reda, dala je Berjana Ačkar, sekretar Vlade.

24. tačka dnevnog reda

Vlada je jednoglasno donijela Zaključak kojim se odlaže razmatranje Izvještaja o radu Kantonalne uprave za inspekcijske poslove za 2011. godinu, za 61. sjednicu Vlade Zeničko-dobojskog kantona.

25. tačka dnevnog reda

Vlada je jednoglasno donijela Zaključak kojim se odlaže razmatranje Izvještaja o izvršenju Finansijskog plana JU Služba za zapošljavanje Zeničko-dobojskog kantona za 2011. godinu, za 61. sjednicu Vlade Zeničko-dobojskog kantona.

26. tačka dnevnog reda

Vlada je jednoglasno donijela Zaključak kojim se odlaže razmatranje Izvještaja o radu Nadzornog odbora Agencije za privatizaciju Zeničko-dobojskog kantona za 2011. godinu, za 61. sjednicu Vlade Zeničko-dobojskog kantona.

27. tačka dnevnog reda

Vlada je jednoglasno donijela Zaključak kojim se odlaže razmatranje Izvještaja o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2011. godinu, za 61. sjednicu Vlade Zeničko-dobojskog kantona.

28. tačka dnevnog reda

Vlada je jednoglasno donijela Zaključak kojim se odlaže razmatranje Programa rada Agencije za privatizaciju Zeničko-dobojskog kantona za 2012. godinu, za 61. sjednicu Vlade Zeničko-dobojskog kantona.

Predsjedavajući je zaključio sjednicu u 9²⁰ sati.

SEKRETAR VLADE

Berjana Ačkar

ZAPISNIČAR

Azra Dedić

PREMIJER

mr.sci. Fikret Plevljak, dipl.ing.